

I PRAVNI OSNOV

Pravni osnov za donošenje izmjena i dopuna Budžeta Općine je sadržan u članovima 36. i 37. Zakona o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14 i 8/15, 91/15, 102/15, 104/16 i 5/18) i člana 14. Statuta Općine Tešanj.

II RAZLOZI ZA DONOŠENJE ODLUKE

Razlozi za donošenje izmjena i dopuna Budžeta Općine za 2020. godinu nalaze se u potrebi usklađivanja budžetskih prihoda i rashoda novonastalim okolnostima od proglašenja stanja prirodne nesreće na teritoriji Federacije BiH uzrokovane pandemijom COVID-19 virusa.

III OBRAZLOŽENJE PREDLOŽENIH RJEŠENJA

Vlada Federacije BiH je 17.03. ove godine proglasila stanje prirodne nesreće na teritoriji Federacije BiH uzrokovane pandemijom COVID-19 virusa. Ovo stanje je uzrokovalo uvećanje rashoda za obezbjeđenje zaštitne opreme, sredstava za dezinfekciju, medicinskih aparata, adaptaciju rada zdravstvenih ustanova i drugo. S druge strane, došlo je do pada privrednih aktivnosti i tokova, prinudnog zatvaranja rada pojedinih privrednih subjekata, obustave nastave, smanjenja opšte potrošnje i slično, a što će za posljedicu imati smanjenje budžetskih prihoda. Shodno tome, u okviru ovog dokumenta prvenstveno je izvršena korekcija porezni prihoda, koji će prema novoj projekciji biti umanjeni za cca. 9%.

Takođe, Organ uprave je paralelno sa ovim pripremio i niz mjera kojim se obezbjeđuje oslobađanje od plaćanja dijela obaveza po osnovu općinskih naknada i taksi privrednih subjekata čiji rad je bio obustavljen u vrijeme pandemije, te oslobađanje od plaćanja dijela obaveza fizičkih lica. Sve mjere su regulisane posebnom Odlukom općinskog vijeća u prijedlogu. Ovom, aktivnošću i djelimičnim smanjenjem prihoda zbog smanjenja obima rada, neporezni prihodi Budžeta, su prema novoj projekciji, umanjeni za cca. 22%.

S druge strane, ovim izmjenama i dopunama je izvršeno reduciranje rashoda Organa uprave na svim grupama i podgrupama Budžeta, čime su napravljene vanredne uštede u radu Organa uprave od blizu 350.000 KM.

U okviru kapitalnog dijela Budžeta je takođe izvršeno reduciranje pojedinih stavki, dijelom zbog najavljenog preusmjeravanja sredstava viših nivoa vlasti (uređenje industrijskih zona) i zbog planirano smanjenja projekata drugih, a koji se podržavaju iz općinskog Budžeta, a dijelom zbog potrebe odgađanja realizacije za narednu budžetsku godinu. U principu ni jedan projekat nije suspendovan u cjelini, nego se radi o nužnom odgađanju i reduciranju aktivnosti.

Takođe je izvršeno smanjenje grant sredstava kojim su se planirale finansirati aktivnosti nevladinog sektora, javnih ustanova i građana, a koje se zbog ograničenja kretanja i zabrana nastave, sportskih takmičenja, manifestacija i javnih okupljanja uopšte, neće ni moći organizovati.

Ova sredstva, zajedno sa donatorskim, će se usmjeriti na ublažavanje posljedica pandemije, obezbjeđenje sredstva za borbu protiv širenja koronavirusa i pomoć zdravstvenom sektoru, stanovništvu, licima koja su ostala bez posla te pomoći privredi općine.

Predloženim izmjenama i dopunama Budžet za 2020. godinu se umanjuje za **2.225.000 KM**, tako da sada iznosi **16.775.000 KM**.


Umanjenje prihoda po osnovnim grupama je iskazano u slijedećem tabelarnom pregledu.

REDNI BROJ	VRSTA PRIHODA / PRIMITKA	BUDŽET ZA 2020. GODINU	REBALANSIRANI IZNOS	UMANJENJE	PROCENT
1	2	3	4	5	6
1	Direktni porezi	3.237.000	2.787.000	-450.000	-13,90%
2	Indirektni porezi	5.710.000	5.350.000	-360.000	-6,30%
3	Neporezni prihodi	3.046.000	2.381.000	-665.000	-21,83%
4	Tekući grantovi	1.230.000	1.570.000	340.000	27,64%
5	Kapitalni grantovi i primici	3.047.000	2.629.000	-418.000	-13,72%
6	Prijenos sredstava iz ranijih godina	1.260.000	558.000	-702.000	-55,71%
7	Finansiranje	1.500.000	1.500.000	0	0,00%
SVEGA PRIHODI I PRIMICI		19.030.000	16.775.000	-2.255.000	-11,85%

Umanjenje prihoda i primitaka je izvršeno iz tri razloga, kako slijedi.

- Prvi dio umanjenja je rađeno prema novoj projekciji prihoda koji se umanjuju bez utjecaja općinske administracije i Općinskog vijeća Tešanj. Umanjenje ovih prihoda je projicirano padom privrednih tokova i aktivnosti, prometa roba, nekretnina i slično.
- Drugi dio umanjenja je vezan za korekciju prijenosa sredstava, grantova viših nivoa vlasti i slično.
- Treći dio umanjenja je vezan za prihode koji su pod direktnim utjecajem općinske administracije i Općinskog vijeća Tešanj, a koji se smanjuju odlukom Općinskog vijeća, smanjenjem opterećenje građana i privrednih subjekata pogođenih pandemijom. Odluka je paralelno sa ovim izmjenama i dopunama ponuđena u prijedlogu.

Naznačena struktura umanjenja po njihovim razlozima je iskazana u narednom grafičkom pregledu.




Na rashodovnoj strani Budžeta izvršene su izmjene pojedinih stavki rashoda i izdataka, tako da je ukupan Budžet umanjen za ranije navedeno smanjenu prihodovnu osnovicu od 2.225.000 KM.

REDNI BROJ	VRSTA RASHODA / IZDATKA	BUDŽET ZA 2020. GODINU	REBALANSIRANI IZNOS	UMANJENJE	PROCENT
1	2	3	4	5	6
1	Sredstva za bruto plaće i naknade	2.642.000	2.498.000	-144.000	-5,45%
2.a	Direktni materijalni rashodi organa uprave	1.140.600	990.500	-150.100	-13,16%
2.b	Ostale usluge za opštedruštvene potrebe	1.965.000	1.923.000	-42.000	-2,14%
3	Tekući grantovi, kamate i sredstva rezervi	5.062.400	4.673.500	-388.900	-7,68%
4	Kapitalni grantovi i izdaci	8.145.000	6.615.000	-1.530.000	-18,78%
5	Povrat sredstava finansiranja	75.000	75.000	0	0,00%
UKUPNO		19.030.000	16.775.000	-2.255.000	-11,85%

Slično kao kod općinskih prihoda i primitaka i na rashodovnoj strani Budžeta su predložena umanjena stavki u tri grupe koje se razlikuju po njihovom karakteru.

- Prvu grupu umanjena čine stavke na kojima je planirana ušteda u radu organa uprave, javnih ustanova i opštedruštvenim potrebama.
- Drugu grupu umanjena čine stavke grantova za nevladin sektor i građane, koja su nužno umanjena zbog nemogućnosti realizacije planiranih aktivnosti. Razlog tome je ograničenje kretanja i zabrana nastave, sportskih takmičenja, manifestacija i javnih okupljanja uopšte.
- Treću grupu čine reducirani i odgođeni kapitalni projekti uzrokovani padom prihoda uopšte, pa i namjenskih, te nužnosti intervencije određivanja po pojedinačnim projektima. Dio projekata je već ugovoren, započeti ili su u odmakloj fazi nabavke te se isti nisu mogli reducirati.

Naznačena struktura umanjena po njihovim razlozima je iskazana u narednom grafičkom pregledu.



Rezime:

Prijedlogom izmjena i dopuna Budžeta Općine Tešanj za 2020. godinu reagovalo se na „križu“ izazvanu pandemijom coronavirusa. Pandemija je dovela do promjena u životima svih pojedinaca i organizacija. Izmjene i dopune su rađene na osnovu trenutnih procjena, tako da je trajanje „križe“ i ukupne efekte teško procijeniti.

Konačno, rebalans je pratio mjere na nivou Federacije BiH i ZE-DO kantona, tako da su planirane aktivnosti usklađene sa istim u mjeri u kojoj su raspoložive informacije (podrška privredi, poljoprivredi, umanjeње prihoda i određenih rashoda).

OBRADIVAČ:


SLUŽBA ZA FINANSIJE, PRIVREDU
KOMUNALNE I INSPEKCIJSKE POSLOVE
Hamzalija Hojkurić, dipl.oec.



PREDLAGAČ:

OPĆINSKI NAČELNIK

Mr.sci. Stiad Huskić



Broj: 02-02-1-2536-7/19
Datum: 14.04.2020. godine